



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 258, Datë 21.10.2025

MBI

**NJOHJEN E LICENCËS PËR FURNIZIMIN ME ENERGJI ELEKTRIKE, LËSHUAR
NGA ZYRA E RREGULLATORIT PËR ENERGJI EREPUBLIKËS SË KOSOVËS,
PËR SUBJEKTIN “MANAGEMENT & DEVELOPMENT ASSOCIATES L.L.C”**

Në mbështetje të nenit 16 dhe nenit 97, pika 6 të ligjit nr. 43/2015 “Për sektorin e energjisë elektrike”, të ndryshuar; nenit 4, pikat 3, 4, 5 dhe 6 të Rregullores për procedurat dhe afatet për dhënien, modifikimin, transferimin, rinovimin, njohjen ose heqjen e licencave në sektorin e energjisë elektrike, të miratuar me vendimin e bordit të Entit Rregullator të Energjisë (ERE) nr. 109, datë 29.06.2016, të ndryshuar; Vendimit të bordit të ERE-s nr. 245, datë 06.12.2021” “Mbi njohjen reciproke të licencave për veprimtarinë e tregtimit dhe furnizimit të energjisë elektrike ndërmjet autoriteteve kombëtare rregullatore të Republikës së Kosovës dhe Republikës së Shqipërisë”; si dhe nenit 15 të Rregullores për organizimin, funksionimin dhe procedurat e ERE-s, miratuar me vendimin e bordit të ERE-s nr. 96, datë 17.06.2016; Bordi i ERE-s, në mbledhjen e tij të datës 21.10.2025, mbasi shqyrtoi relacionin me nr. 2410/8 prot., datë 15.10.2025, të përgatitur nga Drejtoria e Licencimit dhe Autorizimeve, “Mbi njohjen e licencës për furnizimin me energji elektrike, lëshuar nga Zyra e Rregullatorit për Energji të Republikës së Kosovës, për subjektin “MANAGEMENT & DEVELOPMENT ASSOCIATES L.L.C”

Konstatoi se:

- Subjekti “Management & Development Associates”, degë e shoqërisë së huaj, me shkresën e protokolluar në ERE me nr. 2412/3 prot., datë 17.09.2025, ka paraqitur kërkesën për njohje të licencës për furnizimin me energji elektrike me numër ZRRE/Li_103/25, lëshuar nga Zyra e Rregullatorit për Energji (ZRRE), në datën 10.07.2025 për shoqërinë “Management & Development Associates L.L.C”, për furnizimin me energji elektrike.
- Në lidhje me këtë aplikim është zhvillur një korrespondencë pararendëse me e-mail me shoqërinë, ku ajo ka kërkuar informacion mbi procedurën e licencimit/njohjes së licencës dhe i janë dhënë udhëzimet përkatëse. Në vijim të këtij komunikimi, me e-mailin e datës 08.09.2025, shoqëria ka pretenduar se në Kosovë, licenca për furnizim e lëshuar nga ZRRE përfshin edhe licencën për tregtim me energji elektrike dhe në këtë kuadër ka

kërkuar informacion nëse vlen i njëjti rregull edhe në Shqipëri pas njohjes së licencës nga ERE.

- Për sa më sipër, me e-mailin e datës 11.09.2025, ERE i është drejtuar ZRRE me një kërkesë për interpretim për sa pretenduar nga shoqëria, duke vënë në dijeni dhe shoqërinë për këtë komunikim, e po ashtu duke i kërkuar informacion në rast se licenca me numër ZRRE/Li_103/25, është e vlefshme dhe nëse është marrë ndonjë vendim për heqjen apo pezullimin e kësaj licence.
- Pas dërgimit të këtij e-maili drejtuar ZRRE-së, në datën 17.09.2025 shoqëria ka depozituar aplikimin e saj si më sipër cituar, duke specifikuar në shtojcën 1 të aplikimit të saj njohjen e licencës vetëm për veprimtarinë e furnizimit të energjisë elektrike, ku pas shqyrtimit paraprak ka rezultuar se ka dokumentacion që nevojitet të plotësohet ende në lidhje me këtë aplikim dhe po ashtu, duke qenë se nuk ishte kryer pagesa e plotë sipas përcaktimeve të Aneksit A të rregullores, shoqëria duhet të kryente dhe diferencën përkatëse të pagesës. Në këto rrethana, ERE iu drejtua shoqërisë me e-mailin e datës 23.09.2025.
- Me shkresën e protokolluar në ERE me nr. 2412/6 prot., datë 29.09.2025, shoqëria ka plotësuar dokumentacionin e kërkuar dhe ka kryer diferencën e pagesës, ku rezulton se shoqëria ka kryer të plotë pagesën që përkon me njohjen e licencës për veprimtarinë e furnizimit të energjisë elektrike dhe se shoqëria është kreditor për një vlerë të vogël, që do të rakordohet në vijim me të. Po ashtu, sa këqyrur nga shtojca e ridepozituar, rezulton se ajo ka plotësuar aplikimin e njohjes për të dyja veprimtaritë, tregtimin dhe furnizimin e energjisë elektrike, por duke iu referuar aplikimit fillestar të saj dhe pagesës së kryer nga ana e shoqërisë, që përkon me licencën për veprimtarinë e furnizimit të energjisë elektrike dhe faktin që nga ana e ZRRE-së nuk ka ende një përgjigje për kërkesën për interpretim, u vlerësua të vijohet me shqyrtimin e aplikimit për njohje të licencës së furnizimit të energjisë elektrike.
- Po ashtu, me e-mailin e datës 02.10.2025, ZRRE ka informuar se nuk ka filluar dhe as ka ndërmarrë ndonjë vendim për heqjen apo pezullimin e kësaj licence.
- Subjekti ka depozituar në ERE të gjithë dokumentacionin e kërkuar nga neni 4, pika 3 dhe shtojca 1/K e “Rregullores për procedurat dhe afatet për dhënien, modifikimin, transferimin, rinovimin, njohjen dhe heqjen e licencave në sektorin e energjisë elektrike”, të miratuar me vendimin e bordit të ERE-s nr. 109, datë 29.06.2016, të ndryshuar.
- Afati i njohjes së licencës do të jetë i njëjtë me afatin e licencës së lëshuar nga Zyra e Rregullatorit për Energji e Republikës së Kosovës, për shoqërinë “Management & Development Associates” L.L.C, deri më 09.07.2030.

Për gjithë sa më sipër, bordi i ERE-s,

Vendosi:

1. Të miratojë njohjen e licencës për furnizimin me energji elektrike nr. ZRRE/Li_103/25, lëshuar nga Zyra e Rregullatorit për Energji e Republikës së Kosovës (ZRRE), në datën 10.07.2025 për shoqërinë “Management & Development Associates L.L.C”, për furnizimin me energji elektrike, që ka regjistruar në Shqipëri subjektin “Management & Development Associates”, degë e shoqërisë së huaj.
2. Njohja e licencës sipas përcaktimeve të pikës 1 do të jetë e vlefshme deri më 09.07.2030.
3. Drejtoria e Licencimit dhe Autorizimeve të njoftojë shoqërinë “Management & Development Associates”, degë e shoqërisë së huaj, OST sh.a., OSSH sh.a. dhe ALPEX sh.a. për vendimin e bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI

Petrit AHMETI